

LATGALIŠU GAZETA

Sprydzānam 70 i bez puču labi

5. febrālī nūtyka latgalisks pasuokums – veļteits Latvejis Radejis 4. programys raidejumam “Latgolys Vuords” i tuo veiduotuojam Bronislavam Sprydzānam opolojā dzeivis jubilejā. Iz pasuokumu tyka aicynuoti kulturys i sabīdriski aktivi darbiniki, kai ari sevkurs, kam nav vīnaldzeiga latgalīšu volūda i juos nokūtne.



Andris Baltacis un sveicieji no sadzīduoja ari “Skaidruo volūdu”

jureits

Raidejums “Latgolys Vuords” Latvejis radiofonā suoce skanēt 1989. goda suokumā. Jau tūlaik i tagad tys ir vineigais regularais raidejums, kurs skaņ latgalīšu volūdā.

Tys tyka izveiduots ar mierki paruodeit latgalīšu volūdys vierteibu. Par tuo redaktoru jau nu pyrmsuokumu kliva Nagļu pogosta dzeivuotuojs Bronislavs Sprydzāns. Godu garumā jis naatlaidēigi raudzejs byut kluot vysūs nūtykumūs Latgolā, kai ari maksimāli daudz stuosteit par Latgolys ļaudim. Vairuok nakai 20 godu skaneišonys laikā, runuots ar ciši daudzim cylvākim – gon taidim, kuri iļāme augstus posteņus, gon ar vinkuoršim dorba cylvākim i gudrim siermgolvim...

Svineigais pasuokums Rēzeknes kultūrys nomā byuteibā tyka baļsteits iz latgalīšu volūdys popularizē-

šonu i nūzeimeigumu. Pasuokumā beja īspēja atsavēt iz 20 godu laikā padareitū, kai ari īsaklauseit B. Sprydzāna vadeituo raidejuma intervejuos ar dažaidim cylvākim – politikim, kulturys darbinikim, muzykantim i ari vinkuoršajim lauku ļaudim. Izskaneja audio iroksti nu sarunom ar Andri Rudzinski, kinofilmys “Cylvāka bārns” golvonos lūmas atveidotoju, Henrihu Somu, Latgolys Pietniceibys instituta vadeituoju, Andri Slišānu, Ontona Slišāna dālu, par latgalisku runuošonu ar bērnim, Ontonu Ušpeli, pūdu meistarū sovā “svietneicā”, Inesi Pakloni, uzrunojūt latgalīšu bidreibu “Trešo zvaigzne” i. c.

Ar apsveikuma vuordim kluotinē izastuoja: Daugovpiļs Latgalīšu bidreibys prišksādātuos Valdis Lauskis, kinorežisors Juoņs Streičs, Preiļu nūvoda dūmis prišksādātuos Aldis Adamovičs, Ludzys nūvoda dūmis puor-



Kūpā ar dzeivis bīdri i sveiciejim

stuoys Edgars Mekšs, Bolvu nūvoda dūmis puorstuoys Andris Kazinovskis, Kruoslovy kulturys metodiks Jezups Dobkevičs, Latgolys kulturys gazetys “Lakuga.lv” veiduotuojs Jurs Viļums, Baļtinovy vydsškoly direktors Imants Slišāns i cyti.



Bronislavs Sprydzāns

Jubilejis pasuokums nūtyka latgaliskā gorā. Muzicieja “Dzīga”, “Boļti luoč”, “Latgolys damu pops”, Eriņu saime, “Bez PVN” i vysa pasuokuma beiguos kūpeigi tyka sadzīduota ari “Skaidruo volūda”.

Pasuokuma gaviļņiks gostim pīsaveja īsarast bez pu-

ču, deļ tam ka leluokuo duovona ir pats cylvāks, pī tam zīmā pi myusu tuos naaugūt – nav vajadzeibys likai izmest naudu deļ uorzemu pučem. Nu tod vieliesim Bronislavam ari iz prišku sagloboūt pozitīvu skotu iz dzeivi i vēļ daudz, daudz latgalisku raidejumu!

Kū vaira volūdu, tū lobuok! **Lakuga.lv**

“Dyrbyni” aicynoj jaunus daleibņikus

Daugovpiļs nūvoda Kulturys centra folklorys kūpa “Dyrbyni” ir atvārts i draudzeigs kolektivs, kurā īspiejams īsavuiceit tautys dzīsmis, daņčus i muzykys instrumentu – kontrabasa, ceitara, bungu, džambys, bubyna, stabuļu – spēli, sajimt skatuvis pīredzi i izzynuot seņču tradicejis.

Dyrbynam juobyut draudzeigam i atvārtam jaunai pīredzei, grybai regulāri pīsadaleit procesā i vūiceitis, juobyut interesei par folkloru, eipaši muzyku.

Uzjīmšona 2011. goda 14. febrālī plkst. 18.00. Daugovpiļs nūvoda Kulturys centrā, Daugovpiļi, Dobeles iļā 30, 2. stuova Spīgeļu zalā. Mieginuojumi nūteik pyrmudinēs. Vaira informacejis: 26118413, Vita Briška

Jauns gods, jauna lopa, jauna dzeive

Latgalīšu Kulturys gazeta – portals LaKuGa.lv – 2010. gods 28. decembrī suoce darbeibu jaunā izskotā i jaunā sistemā. Itys datums tyka izvālāts par gūdu Ontona Slišāna 62. dzimšonys goda dinai, kuru jam nabeja lams sagaideit.

Paļdis puišim par izstruoduotū jaunū lopu (Guntis Šmaukstelis) i par jaunū dizainu (Aivars Bulis). Treis ar pusi godus LaKuGa.lv struodova cišā sadarbībā ar portalu Latgale.lv i jūprūjom ituo latgaliskuo portala vaci materiali byus atrūnami piec adresa Latgale.lv/lg.

Jaunajā portala LaKuGa.lv versejā ir vairuoki jaunynuojumi, kurus kotrs teik aicynuots īvietēt.

Nūdybynuota “Latgolys Saeima”

5. febrālī Rēzeknē tyka sa-saukta bīdreibys “Latgolys Saeima” dybynuošonys saisme. Apstyprynuoti statuti, par vaļdis prišksādātuoju īcalts Jurs Viļums, par juo vītniku – Andris Slišāns. Vēļ vaļdē ībol-suoti: Ilga Šuplinska, Valdis Labinskis i Arvids Turlajs.

Bīdreiba “Latgolys Saeima” par sovys darbeibys mierkim ir izvirziejuse: sekmēt Latgolys administrativuo regiona izveiduošonu, nūdrūšynuot kvalitatīvu diskuseju, kūpeiga redziņa puorstuovniceibu, latgalīšu volūdys, kulturys i socialeko-

nomiskūs interešu aizstuo-

veibu. Pyrmajā saismē pīsadaleja 27 daleibņiki – bīdreibys dybynuotuoji, jūs vydā ari Imants Slišāns, Stanislavs Škesters, Mareks Gabrišs, Līvija Plavinska, Gunis Rasims, Anna Rancāne, Aņss Bierzenš, Veronika Dundure, Pīters Luocs, Andris Kazinovskis i cyti. Vystyvuokajā laikā tiks atkluota ari bīdreibys sātys lopa šķārsteiklā, kurā nūtikis regularys bīdru diskusejis, kai ari kotrs bīdreibys atbaļsteituojs varēs īraksteit sovū prišklykumu, komentaru voi ari

pīduovuoit realu paleidzeibu pīkaida nu daudzajim dorbin.

“Latgolys Saeimas” vaļde skaidruo – “Latgolys Saeima” nav politiska organizaceja, bet vīns nu bīdreibys pīnuokumim ir ryupētis ari par Latgolys i Latvejis politiskuos vides sa-kuortuošonu.

Mēs grybam apvīnuot vysus eistynūs Latgolys patriotus iz kvalitatīvu diskuseji i kūpeigi izstruoduot pamotus tuoluokai sabīdreibys atteisteibai. Īzasaisteit “Latgolys Saeimys” dorbā teik aicynuots sevkurs cylvāks voi juridiska persona, kas apļicynoj sovū ga-

taveibu sasadorbuot bīdreibys izvirzeitūs princypu īvāruošonā, kai ari sovū lāmumu pījimšonys naatkareibu nu sevkura finansiala voi politiska spēka. Ari Tu vari byut bīdreibys bīdrys voi atbaļsteituojs!

“Latgolys Saeima” atbolsta ari cytu bīdreibu izsaceitū pīprasejumu par kvalitatīvu, atvārtu politiku vaļsts i regionu leimīni, par vysys vaļsts vīnmiereigu atteisteibu i kvalitatīvy regionaluos politikys izstruoduošonu i eistynuošonu. “Latgolys Saeima” aicynoj sabīdreibu iz aktivu leidzdaleibu, aicynoj kūpā da-

reit aktīvy cylvākus vysā Latvejā, sasadorbuot regionūs i vītejuos pošvaļdeibuos, naizmierstūt myusu vaļsts pamatlykumu golvonū princypu – “Vaļsts vara pīder tautai!”

“Latgalīšu Gazeta” teik izdūta sadarbībā ar portalu LaKuGa.lv i bīdreibu “Latgolys Studentu centrs”

